

Samostalni istraživački rad – Historija prava BiH

Samostalni istraživački rad iz predmeta Historija prava BiH nosi 10 od ukupno 100 bodova na predmetu. Radi se o opcionom zadatku – studenti koji ne žele raditi rad, nisu ga dužni prijaviti.

Tehničke propozicije:

Samostalni istraživački rad iznosi ukupno 3 stranice, od čega maksimalno ½ stranice može biti izdvojeno za uvod i zaključak, odnosno 2,5 stranice odnose se na meritorna razmatranja/razradu teme.

Font: Times New Roman, 12 pt.

Spacing/prored: 1,15

Margine: normal (2,54 cm)

Reference/navođenje izvora: u fusnotama, veličina fonta 10. Stil citiranja, Chicago Manual of Style (vidi više na: <https://www.citationmachine.net/chicago>)

Kandidati su obavezni citirati svako preuzimanje tuđih ideja, koncepata ili podataka. Nisu dužni navoditi reference/citirati ukoliko se radi o podacima koji spadaju pod opće znanje ili dobro ustanovljene teorije i koncepte.

Svako preuzimanje tuđih ideja, informacija i koncepata, te bilo kakvo drugo prisvajanje tuđeg rada i predstavljanje kao svog bit će tretirano kao plagijat, te valorizovano sa 0 bodova.

Korištenje izvora mora biti naznačeno u fusnoti.

Uzimanje tuđeg teksta verbatim („od riječi do riječi“) je dozvoljeno samo ukoliko je zaista neophodno koristiti identične fraze koje koristi izvor. Udio ovako citiranog teksta ne može prelaziti više od ukupno 10% rada. Prilikom ovakvog citiranja, obavezno je koristiti navodnike kako bi se naznačilo da je tekst preuzet u identičnoj formi. Preuzimanje teksta verbatim, bez korištenja navodnika, bit će tretirano kao plagijat.

U pravilu, korištenje izvora podrazumijeva da studenti koriste izvore kako bi samostalno formirali vlastiti tekst, pa je u tom smislu preuzimanje tuđeg teksta uz manje izmjene (zamjena reda riječi u rečenici, korištenje sinonima, parafraziranje rečenicu po rečenicu) nepoželjno i negativno će se odraziti na bodove.

Prilikom korištenja izvora vodite računa o tome da Vaši izvori trebaju biti autoritativni, tj. osoba/osobe koje stoje iza određenog izvora trebaju biti prepoznati autoriteti u datoj oblasti. Anonimizirani izvori (kao npr. Wikipedia) nisu relevantni za ovaj rad. Potrebno je navesti minimalno tri izvora. U izvore se neće ubrajati fakultetski udžbenici.

Kriteriji za bodovanje:

Jezik i stil, kvaliteta argumenata, kvalitet izvora: 0-5 boda

Tehničke propozicije: 0-2 boda. Eventualna značajnija kršenja tehničkih propozicija mogu biti sankcionisana oduzimanjem bodova iz drugih rubrika.

Odbrana rada/razgovor o radu: 0-3 boda. Ukoliko se tokom odbrane ustanovi da kandidat_kinja ne vlada temom, to može rezultirati oduzimanjem bodova iz drugih rubrika. Prilikom rada očekuje se da kandidat_kinja vlada svim navodima iz svog rada (odbrani pristupate bez štampanog primjerka), kao i informacijama o tom periodu koje se mogu smatrati za opće znanje o tom periodu.

Ukoliko prilikom pregledanja rada ili usmene odbrane bude ustanovljeno da je rad plagiran,¹ kandidat_kinja ostvaruje 0 bodova.

Teme samostalnog istraživačkog rada za akademsku 2023/2024. godinu su:

1. „Vjersko pravo kao pozitivno pravo u pravnoj historiji BiH“. Tokom značajnog dijela pravne historije BiH prava i obaveze pojedinca ovisila su o njegovoj/njenoj vjerskoj pripadnosti. Kreiranje i tumačenje tih pravila je u značajnoj mjeri bilo u rukama u rukama nedržavnih vlasti i autoriteta, dok su sama pravila poticala iz svetih knjiga koje nisu nužno odgovarale potrebama vremena. Svete knjige kao izvor prava, religijski autoriteti kao dio državnih vlasti, i posebni pravni režimi za različite vjerske zajednice su jedan od specifikuma pravne historije BiH. Vaš zadatak je da u tri stranice rada pojasnite na koji način su se državne vlasti nosile sa izazovima tumačenja vjerskih propisa i kreiranjem pravila, uklapanjem tih pravila u državnopravni režim, te kakvo je to dejstvo imalo na stanovništvo. Primarni fokus pažnje je Osmansko carstvo (do tanzimatskih reformi).
2. „Prelomne tačke pravne historije BiH u XX stoljeću: Kontinuitet i diskontinuitet“. Nakon dugog perioda osmanske vlasti u BiH, zemlja će ući u turbulentan period relativno čestih promjena režima, te ubrzane modernizacije zemlje i svijeta. Te promjene će imati odraza i na razvoj prava u BiH – neke grane prava bit će radikalno preuređene, neke prilagođene potrebama novog vremena, a neke zadržane u starijoj formi (u manjoj ili većoj mjeri). Vaš zadatak je da u tri stranice rada date pregled ovih promjena, i pokažete razumijevanje razloga za promjenu/zadržavanje određenog pravnog režima, te načine na koji su se te promjene odvijale.
3. Istraživački projekat pod nadzorom prof. dr Bečića (za ograničen broj studenata): „Korijeni modernog krivičnog prava u BiH.“

U izradi rada kandidati_kinje samostalno pronalaze literaturu.

Prijavu za seminarski rad potrebno je poslati na mail adresu t.herenda@pfsa.unsa.ba do 06.03.2024. godine. Prijava sadrži ime i prezime studenta/ice, i odabir teme. Ukoliko student/ica prijavljuje treću ponuđenu temu, potrebno je dostaviti i alternativni izbor teme (1. ili 2.). U suprotnom, tema će biti nasumično dodijeljena.

Krajnji rok za dostavu završenog samostalnog istraživačkog rada je 09.04.2023, u 00:00 (do kraja dana). Rad dostavljate ISKLJUČIVO kao word file (doc ili docx).

¹ Plagijarizam predstavlja korištenje tuđih riječi, ideja ili djela bez odgovarajuće pripisivanja/referiranja, pri čemu se te tuđe sadržaje predstavlja kao vlastite. To uključuje kopiranje i lijepljenje teksta iz izvora bez izmjena, parafraziranje bez citiranja, te bilo kakvo drugo predstavljanje tuđeg rada kao vlastitog.